

咸豐八年五月十七日

奏

(01)



奏為恭謝

天恩事本月十六日內閣奉

上諭翁心存著充上書房總師傅欽此竊臣一經粗

習六藝未通夙邀

誨育之殷渥荷

生成之厚念卅載趨公之迹周行恆慄夫準繩溯

三天侍講之時

聖學莫窺夫涯涘茲復仰蒙

恩命俾直

禁廷省微分而增慙企前修而滋懼伏念學以誠
意正心為本功貴合乎知行識以明體達用為

宗原必探乎經史撫散材之漸朽恐舊業之彌
蕪臣惟有倍矢敬共益嚴踐履精心自勵庶幾
比潔冰壺古訓是遵非僅不言

溫樹所有暨感激下忱謹繕摺恭謝

天恩伏乞

皇上聖鑒謹

奏

咸豐八年五月

十七

日



